



Groupe parlementaire

N°3476  
Entrée le 16.01.2026  
Chambre des Députés

Déclarée recevable  
Président de la Chambre des Députés  
(s.) Claude Wiseler  
Luxembourg, le 19.01.2026  
Chambre des Députés

Här Claude Wiseler

President vun der Deputéiertechamber

19, um Krautmaart

L-1728 Lëtzebuerg

Lëtzebuerg, de 15. Januar 2026

Här President,

esou wéi d'Chambersreglement et virgesäit, bieden ech lech, dës parlamentaresch Fro un d'Madamm Gesondheets- a Sozialminister weiderzeleeden.

Op den 1. Januar goufen d'Pensiounen ëm 1,5 Prozent no uewen ajustéiert, dat op Basis vum Artikel 225 vum Code de la Sécurité Sociale, souwéi där allgemenger Lounentwécklung. D'Cotisation op genee där Masse salariale ass awer d'lescht Joer kaum méi duergaangen, fir d'Ausgabe vun der Pensiounskeess ze decken. Als Reaktioun goufe méttlerweil d'Cotisatione fir d'Leit am Berufsliewen ëm insgesamt 1,5 Prozent erhéicht an d'Aarbechtszäit verlängert.

An deem Zesummenhang géif ech der Madamm Gesondheets- a Sozialminister gär dës Froe stellen:

- 1) Wéi héich falen d'Zousazkäschten déi duerch dësen Ajustement entstinn, insgesamt aus? Wéi vill zousätzlech Recetten erwaart d'Regierung sech vun der Erhéijung vun de Cotisationen ëm de gläiche Prozentsaz?
- 2) Fléisst d'Gehälterentwécklung am ëffentlechen Déngscht, déi mat der Berufserfarung jo automatesch klëmmt, an d'Berechnung vum Ajustement mat an? Falls jo, gesäit d'Madamm Minister hei net d'Gefor vun enger statistescher Verzerrung? Kann d'Madamm Minister an deem Sënn matdeelen, wéi héich den Ajustement jee weils mat an ouni d'Berécksiichtegung vum ëffentlechen Déngscht ausgefall wier?

Mat déiwem Respekt,

Alexandra Schoos  
Deputéiert